



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 123. Gubernatricis studium circa dissidia inter Fœderatos conflanda.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

pluribus ejusmodi irritationibus incita- Sæcul. XVI.
ret ejusdem moram, eumque eo in- A. C. 1566.
duceret, quatenus haud amplius sup-
petias mittere cunctaretur.

§. CXXIII.

*Gubernatricis studium circa dissidia
inter Fœderatos conflanda.*

Interea Gubernatrix eorum, quæ in Stradal. 3.
his congressibus agitata sunt, haud
ignara opportune animadvertibat, quod
ob rumorem de proximo Regis adven-
tu in Belgium aliqui ex conjuratis ti-
midius agerent, hinc in artificio con-
siliium esse quærendum existimabat, ut
hac ratione hos sibi penitus devincire
posset: itaque missis ad eos literis bene-
volentia, ac fiducia plenis, promissa
adjecit, quibus quosdam privatos ad sua
studia sollicitare conabatur, atque ad
aliquos etiam, quos sciebat Religioni
haud infensos, Syngraphas dedit ex
earum numero, quas illa apud se habe-
bat Regis nomine subscriptas, ac nu-
merandæ pecuniæ fide munitas, easque
verbis composuit tempori accomodatis,
eos adhortans ad propugnandam Re-
ligionis causam, populosque in pristi-
na obedientia, modestiaque continen-
dos: has vero ita singulis tradi curavit,
ut alios, qui ejusmodi literas non ac-
ceperunt, id non omnino lateret, sicque
inter

Sæcul. XVI. inter eos suspicio, atque abalienatio
A.C. 1566. suborirentur. Sub idem tempus per-
 commodum accidit, quod Gubernatrix
 acciperet a Rege literas aliquot ipsius
 manu exarratas ad Oranium Princi-
 pem, ac nonnullos Belgii Proceres be-
 nevolentiae signis refertas, quas mox
 typis edi, evulgarique iussit: ex quibus
 omnibus factum est, ut conjuratorum
 multi omissis foederatorum cœtibus, aut
 in domos suas redirent, nonnulli privata
 sua negotia curaturi, aut accederent
 Gubernatricis partibus, & gratiam
 Principis promereri, quam indignatio-
 nem experiri mallent, cum ad id par-
 tim metus, ne a Proceribus in suis
 consiliis nutare incipientibus desereren-
 tur, eos adigeret, partim etiam spes,
 cujus pleni erant, eoquod præcipue se
 honoratos a Rege, atque appellatos cer-
 nerent, eosdem animaret, simulque
 induceret aliorum offensio, quibus
 se suspectos, atque invisos facile opina-
 bantur.

§. CXXIV.

*Ejusdem consilium de reprimenda se-
 ditiosorum audacia.*

Hac Foederatorum dissensione erige-
 batur Gubernatrix, animoque sta-
 tuebat, vim, extremaque adhibere om-
 nia ad seditiosorum contumaciam serio
 profl-